

ÅRSPLAN SFO

SJERNARØY OPPVEKSTSENTER

SKULEÅRET 2024/2025



Personalet i SFO:

Rannveig Øvrebø

Kjellaug Røiseland

Anna Blawat

Anita Fjelldal Haug

SFO-leiar

Pedagogisk medarbeidar

Pedagogisk leiar i barnehagen

Pedagogisk medarbeidar i barnehagen

Kontaktinformasjon

Me nyttar VIGILO som kommunikasjonsverktøy. Ved hastehendingar kan de nå oss på telefon.

Jarand Larsen-Rodvelt, avdelingsleiar

Telefon: 452 20 179

E-post: j.larsen-rodvelt@stavanger.kommune.no

Rannveig Øvrebø, SFO-leiar

Telefon: 917 77 989

E-post: rannveig.ovrebo@stavangerskolen.no

SFO-tilbod på Sjernarøy

- Sjernarøy oppvekstsenter har eigen SFO-avdeling. Me gir tilbod om 60% eller 100% plass. Søknad og oppseiing av plass skal gjerast på Stavanger kommune sin nettstad.
- Dagane for 60%, skuleåret 2024-2025, er tysdagar, onsdagar og torsdagar. Dette gjeld også i skuleferiane.

Praktiske opplysningar

- Beskjedar og fråvær: send beskjed i Vigilo. Som hovudregel vil Rannveig svare på desse meldingane.
- Skiftetøye: SFO er ute i all slags vær. Sørg for at ditt barn alltid har tilgjengeleg klede etter vær og årstid. Me ynskjer at ungane alltid har tilgjengeleg:
 - Vind og vanntett yttertøy, støvlar.
 - Skiftetøy (truse, sokker, bukse og genser).
 - Gode sko.
- Feriar: Me har tilbod om heildags-SFO frå 1. august til skulestart, haustferien, juleferien, vinterferie, påskeferie og frå skuleslutt til 30. juni.
- SFO er stengt i heile juli.
- Rammeplan og vedtekter: sjå kommunen sine heimesider under skule/SFO.
- Morgon-SFO er på Kompisane i barnehagen. Klokka 16.00 går dei SFO-tilsette heim, og då er SFO inne på Kompisane i barnehagen resten av dagen.

Leiken i SFO

Leiken har ein stor plass i SFO. Me ser det som viktig at ungane får gode moglegheiter for leik. Ungane utviklar språk, intellektet, fantasien, motorikken, kjenslene og sansane sine gjennom leik.

Me ser at leik har ein viktig plass i barnets utvikling og sjåast som eit pedagogisk virkemiddel for å fremme barnets utvikling. Leiken gir spenning og utfordringar, samstundes som den kan vere ei førebuing til oppgåver og plikter som vil oppstå etter kvart som barna blir eldre. Leiken stimulerer også sosial læring. Det stilles krav til åpenhet og fleksibilitet, og den forutsetter evnen til å respektere og ta andres perspektiv.

Barnet får gjennom leiken øvd seg på å stå for egne haldningar, inkludere, respektere og vera tydeleg og engasjert. Leiken bør derfor ha gode vilkår. Dette stiller krav til tilrettelegging og engasjement. Me i SFO kjenner at den frie leiken blir godt ivaretatt her hos oss.

Me er mykje ute og koser oss inne. Både inne og ute tilrettelegg dei vaksne for leik.

Me samarbeider tett med barnehagen og tek utgangspunkt i deira årshjul. Samstundes følger me skikkar og tradisjonar ellers i Noreg, og markerar dager som karneval, påske, halloween og jul.

Rydding

Me legg stor vekt på å lære barna å rydde etter seg ved overgang frå ein aktivitet til ein annan. Me jobbar også for å få barna til å ta ansvar for sine ting. Med så mange barn samla på ein plass er det viktig å halde orden på sine ting, som ryggsekk, klede og anna utstyr.

NB! Hugs å merke klede med namn.

Foreldresamarbeid

Det hender ofte det går tid utan at de treff personalet i SFO. Det kan hende barnet dykkar tar skuleskyss eller anna skyss heim. Det kan og opplevast travelt å ta opp ting i hentesituasjonar. Er det ting de lurar på, eller ynskjer ein samtale, ta kontakt med oss. Er det spesielle ting me ynskjer å ta opp med dykk, tar me kontakt.

Samarbeid med barnehagen

SFO og barnehage samarbeidar tett på Sjernarøy. Me har ei tradisjon for at 5-åringane i barnehagen får vere ein del inne i SFO, særleg på våren. Personalet i barnehagen er også inne i SFO, og me har no to faste dagar i veka der ein barnehagetilsett jobbar i SFO. Dette gjer trygge overgangar for barn og er med på å sikre eit trygt og godt barnehage- og skulemiljø for ungane.

SFO-dagen startar og sluttar inne i barnehagen.

I skuleferiane er barnehage og SFO som regel i saman.